

Dissertatio inauguralis medica de praeservatione spasmodicorum morborum ... / [Matthias Machal].

Contributors

Machal, Matthias.
Büchner, Andreas Elias, 1701-1769.
Universität Halle-Wittenberg.

Publication/Creation

Halae Magdeburgicae : Typis Kittleri, [1750]

Persistent URL

<https://wellcomecollection.org/works/rphupnbw>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

27
DISSERTATIO INAUGVRALIS MEDICA
DE
PRAESERVATIONE
SPASMODICORVM
MORBORVM

QVAM
DIVINI NVMINIS AVSPICIIS
ET

GRATIOSI MEDICORVM ORDINIS CONSENSV
PRAESIDE

VIRO ILLVSTRI, EXCELLENTISSIMO ET EXPERIENTISSIMO
DOMINO

D. ANDREA ELIA BÜCHNERO

SACRI ROMANI IMPERII NOBILI,
POTENTISSIMO BORVSSIAE REGI A CONSILIIS INTIMIS,
MEDICINAE ET PHILOS. NATVR. PROFESSORE PVBL. ORDINAR.
FACVLT. MED. H. T. DECANO, IMPER. ACADEM. NATVRAE CVRI-
OSOR. PRAESIDE ET COMITE PALATINO CAESAREO,

PRO GRADV DOCTORIS

SVMMISQVE IN MEDICINA HONORIBVS ET
PRIVILEGIIS DOCTORALIBVS LEGITIME OBTINENDIS

D. XXII. APRILIS A. S. R. M DCC L.

H. L. Q. C.

IN REGIA FRIDERICIANA

PVBLICE DEFENDET

AVCTOR

MATTHIAS MACHAL,

CARNOVIA-SILESIVS.

HALAE MAGDERVRGICAE TYPIS KITTLERI

V I R O
ILLVSTRI, EXCELLENTISSIMO
ET CONSVLTISSIMO
DOMINO
ANTONIO BALTHASAR
WALTHER,

SACRAE REGIAE MAIESTATI BORVSSORVM

A CONSILIIS BELLICIS,
DIRECTORI COLLEGII MEDICI

QVOD WRATISLAVIAE EST,

SPECTATISSIMO,

DOMINO AC MAECENATI SVO

PERQVAM GRATIOSO

PIA DEVOTIONE AETERNVM SVSPICIENDO:

VT ET
SPLENDIDISSIMO AC AMPLISSIMO
EIVSDEM LOCI
REGIO COLLEGIO MEDICO ET SANITATIS,
VIRIS
EXCELLENTISSIMIS, EXPERIENTISSIMIS
AMPLISSIMISQVE
DOMINIS
PRVDENTIA, DOCTRINA, VIRTUTE
MVNERVMQVE AVCTORITATE
ORNATISSIMIS,
DOMINIS MAECENATIBVS
ATQVE
PATRONIS
OBSERVANTIA, PIETATE ET OBSEQVIO
COLENDIS ET DEVENERANDIS,
HASCE INAVGVRALES PAGINAS,
SVB ARDENTISSIMIS
PRO EORVM
SALVTE ET FELICITATE
NVNCVPATIS VOTIS,
IN VLTERIOREM STVDIORVM SVORVM COMMENDATIONEM
SACRAS ESSE CVBIT,
TANTORVM TAMQVE ILLVSTRIVM AMPLISSI-
MORVMQVE NOMINVM
CVLTOR PERFENNIS,
MATTHIAS MACHAL.



DISSERTATIO INAUGVRALIS MEDICA
DE
PRAESERVATIONE
SPASMODICORVM MORBORVM.

PROOEMIUM.



Morborum omnium ea est natura
ac indoles, vt non vno veluti
impetu corpus inuadant, sed a
minoribus orti mutationibus,
maiora subinde capiant incre-

A 3 men-

menta. Sic sanus ceteroquin homo numquam in febrem aliquam incidet, nisi vel quaedam in humoribus adfuerit dispositio, ad generandam materiam febrilem, vel ab extra aliquid accesserit, quod iisdem talem induxerit mutationem. Qui frequentiori crapula tonum intestinorum reddidit debiliorem, ac viscidam simul vel biliosam in primis viis collegit saburram, is facile, accedente corporis refrigeratione, in febrem incidet intermittentem, quam alius non dispositus, licet itidem perspirationem turbauerit per refrigerationem, non experietur. Sed et sanissimus homo, ad aliquem accedens maligno et contagioso morbo laborantem, subtili miasmate per poros resorbentes M. S. communicato, in eundem incidet morbum, nisi cito miasma eiiciatur. Si quis itaque sanitatem illaesa conservare, morbosque vitare cupiat, is ea fugiat, quae ad morbosum statum corpus disponunt, vel susceptam peregrinam materiam, quantum fieri potest, celerrime e corpore eiiciat.

ciat. Hoc modo morbi in prima veluti herba suffocantur, longeque facilius arcentur, quam si semel turbatis iam solidorum et fluidorum motibus, eorumque natura corrupta, saevitiam suam in corpus exercuerint. Cum vero *spasmodici morbi* non minimi sint eorum, quibus subinde fragile corpus nostrum adfligitur, haud abs re fore putavi, si eorundem *praeferuationem*, ac quomodo caute vitari queant, singulari opera exponerem, simulque viam mihi aperirem, ad summos in Medicina honores legitime assequendos. Eo itaque fine, pro inaugurali specimine exhibendo, pauca quaedam iam hac de re commentabor. Secundet conamina haec qualiacunque nostra
summus Medicus, coeli terraeque
dominus!



§. I.



Ex iis, quae in praefamine dicta fuere, facile intelligi poterit, quid sub ipsa intelligatur *morborum praeservatione*. Constituit nempe illa, nostro sensu, non nisi *earum caussarum, quae prima morbi iaciunt fundamenta, congruam remotionem*. Sic viscida atque biliosa saburra, febrem tandem, si diutius ventriculo et intestinis inhaerit, productura, si tempestive fuerit per convenientia laxantia e corpore eliminata, imminens febris non subsequetur, et subiectum a morbo tali praeservabitur.

§. II.

Non difficulter inde cognosci potest, faciliorem esse eorum morborum praeservationem, qui lente admodum

dum subiecta inuadunt, quam qui celeriora capiunt incrementa. In his enim vixdum morbi initia in conspectum veniunt, cum totum corpus, iam a virulenta eiusdem indole deprauatum, in omnibus suis turbatur actionibus, neque ad morbum praecauendum tempus Medico datur.

§. II

Spasium dicimus *praeternaturalem fibrae contractionem*. In duo vero potissimum genera commode diuidi is potest: est enim vel in *vasculis sanguiferis*, ac *febris* dicitur; vel in *musculosis ac membranaceis partibus*, vbi, pro locorum diuersitate, varia sortitur nomina. In febribus spasmu affici sanguifera vasa, post tot antiquorum Medicorum figmenta et nugas, immortalis nos docuit *Frider. HOFMANNVS*; in musculosis vero et membranaceis partibus spasmos occurrere, nemo vnquam negauit, et experientia abunde nos de eodem reddit certos.

§. IV.

Recepto in Medicorum scholis more, ii tantum morbi *spasmodici* audiunt, in quibus spasmus est in musculis, vel membranis. Sic *colica* dicitur *spasmodica*, vbi spasmu intestinorum canalis adficitur; *cardialgia spasmodica*

dica ea est, in qua ventriculus spasmō tenetur; *motus spasmodici* sunt, vbi muscoli, ad voluntatis arbitrium alias adhibiti, praeter voluntatem iam conuellantur. Spasmus musculos ita infestans, vt modo musculus ipse, modo eius antagonista, ab eodem infestetur, *convulsio* dicitur. Patet ergo, et eos morbos, in quibus convulsio adest, ad spasmodicos esse referendos.

§. V.

Praeseruabitur morbus spasmodicus, *remota ea causa, quae primum spasmi ponit fundamentum.* (§. I. et III.) Qui talem itaque morbum praeseruare cupit, is causas eiusdem perspectas habeat oportet. Nostrum itaque iam erit, eas potissimum enarrare causas, quibus prima horum morborum iaciuntur fundamenta, vt eo dein commodius eorundem exponi queat praeseruatio.

§. VI.

Fibrae corporis nostri elasticae sunt, adeoque elongari possunt et contrahi. Sub naturali statu fibras breuiore fieri a maiori fluidi neruei influxu, constat ex Physiologia. Sic vitales et naturales motus originem ducunt a contractione fibrarum, vel ob mechanicam in cerebro structuram, vel ob qualemcunque irritationem in

in corde et aliis partibus factam, contingente (*). Fieri enim potest, vt talis sit, nobis licet adhuc incognita, interior cerebri structura, iuxta quam alternis vicibus influxus huius fluidi in quosdam nervos determinetur. Sed et alteram legem semper observari in corpore nostro constat, omnem nempe irritationem, in minoribus vasculis contingentem, motum sequi fluidi intra vas contenti, eiusdemque versus irritatum locum maiorem affluxum. Illapsa oculo arenula irritat maxime sensibiles oculi tunicas, statim constricta vascula lacrymalia fundunt lacrymas, quod fieri vtique non posset, nisi eius fluidi, quod in glandulis lacrymalibus fecernitur, maior ab irritatione redderetur affluxus. Idem itaque in nervis contingere debet. Irritatis tunicis nervorum, maior sequetur fluidi nervei adfluxus, adeoque fibrae contractio et motus.

§. VII.

Cum spasmus sit praeternaturalis fibrae contractio (§. III.); haec vero a maiori pendeat fluidi nervei influ-

(*) Nondum certo inter Physiologos constat, qualis sententia in motu cordis sit probabilior. Iis, qui irritationem in corde ab irruente sanguine fieri, indeque motum excitari existimant, nuper demum accessit magnus ceteroquin inter Gallos Medicus, Dn. SENAC, in Tractatu de Corde, qui superiori anno Lutetiae Parisiorum prodiit, sub titulo: *Traité de la structure du Coeur, de son action, et de ses maladies.*

xu (§. anteced.): sequitur, ut sub spasmo maior adsit, ad fibras spasmo adfectas, fluidi neruei adfluxus. Causa vero spasmus efficiens praeternaturalis quoque esse debet, cum alias sub sano quoque et incolumi corporis statu succedere deberet. Irritationem maiorem efficere fluidi neruei versus partem aliquam adfluxum, vidimus §. anteced. sed maior quoque fluidi neruei fiet adfluxus, elastico hoc fluido ab animi pathematibus agitato. Concludimus inde, spasmi causam vel in irritatione consistere, vel in animi quodam adfectu, adeoque ubi spasmus occurat, ibi vel irritationem esse praegressam, vel animi vehementiorem commotionem. Haec generalis spasmi causa est. Sed ad praeservationem morbi alicuius non sufficit generalem eiusdem nosse causam, quin speciales causae exponendae sunt, et methodus has specialiores causas euitandi, est demonstranda. Parum enim aegro consules, si saltem spasmus vitandum esse praecipies, ubi a febre praeservari velit, nisi peculiare causas, quibus febrilis ille vasorum spasmus excitetur, cognoveris, tuaeque curae commisso remotiores quoque causas exposueris, quas vitare debet, si sanus esse velit. Spasmus ergo inducens irritatio, a quibus causis deriuari debeat, iam demonstrandum erit, ut his tandem cognitis, praeservatio eo dein commodius possit institui.

§. VIII.

Irritatio *duplicem* potissimum agnoscit *causam*: vel *tensionem fibrae solito maiorem*, vel *particularum acrium in eandem actionem*. Tensione elementa fibrarum magis a se inuicem distrahuntur, canalis nerueus fit angustior, vnde motus peculiaris imprimitur fluido nerueo, a quo motu orta dein idea animo peculiarem illam offert sensationem. Particula irritans tremulum motum fibris imprimit, sique is ad cerebrum, fluidi neruei ope, propagatur, itidem irritationis ideam animus accipit. Vtrumque iam nobis est considerandum.

§. IX.

Vasa corporis nostri fibris cincta sunt circularibus ac longitudinalibus (per principia anatomica). Vase aliquo vel a sanguine, vel alio fluido repleto, parietes vasis a se inuicem magis recedunt: fibrae itaque idem ambientes extenduntur. Videre hoc quotidie licet in pulsu arteriarum, quae a sanguine, per cordis systolen intruso, dilatantur. Si itaque in vas aliquod plus sanguinis intrudatur, quam capere sub ordinario ac naturali statu possit, praeternaturalis orietur fibrarum circularium tensio, adeoque earum irritatio (§. anteced.), indeque spasmus (§. VII.). Nimia itaque vasorum oppletio spasmum producet. Sed talis nimia vasorum a san-

guine oppletio *plethora* dicitur: hanc ergo causam esse spasma, patet. Pletthora autem duplex est, vel *ad vasa*, vel *ad vires*: Illa valde quidem repleta supponit vasa, sed non ita tamen repleta, ut sanguinis vis superet vim ac reactionem vasorum. Haec vero est, ubi vis illa sanguinis vasorum vim superat. Facile ergo patet, priorem ad spasmum generandum remotiorem tantum suppeditare causam, cum plethora ad vasa nullo modo noxia corpori sit, nisi valde commoueatur. Dum enim vasorum vis non superatur a vi sanguinis, semper reactio vasorum ad propellendum sanguinem sufficiens erit. Aucto vero sanguinis motu, ob maiorem eius simul massam, facile utique superabitur vasorum actio ab actione sanguinis, adeoque tunc demum desinet esse plethora ad vasa tantum, et fiet plethora ad vires. *Pletthora ad vires*, cum minorem reactionem supponat vasorum, quam sanguinis actionem, sequitur ut vasa sub eadem semper magis magisque extendantur, cum ad contractionem siue reactionem necessario requisitae vires desint. Praeternaturalis ergo fiet vasorum expansio, fibrarum circularium tensio ac spasmus.

§. X.

Pletthora alio modo a Medicis diuidi solet in *vniversalem* ac *particularem*. Vniversalis ea est, ubi omnia vasa

vafa sanguifera corporis sanguine turgent: particularis, vbi ad aliquam corporis partem maior sanguinis adfluxus vel congestio facta est, indeque praeternaturalem expansionem quaedam tantum vafa experiuntur. Vtrumque spasmodicorum morborum inferuit productioni, vt plurimum tamen particulares illae sanguinis congestiones, cum ex vniuersali plethora plures simul alii propullulent morbi, originem suam inde trahunt.

§. XI.

Frigoris eam vim esse scimus, vt constringat vafa, adeoque sanguinis per eosdem transitum impediat. Fit inde, vt aliorum maiori copia ruat ac particularem plethoram, siue *congestionem*, efficiat. Pedes cum intestinis per plura vafa sanguifera connectuntur; pedum itaque refrigeratio in plethorico homine maiorem sanguinis versus intestina efficere potest adfluxum. Vafa sanguifera, per membranas intestinorum discurrentia, hoc modo nimis extenduntur, indeque eorum efficitur spasmus (§. VIII.). Idem vero accidere potest, si in viris, haemorrhoidalis, in foemellis vero, menstruus fluxus turbetur. Vafa enim haemorrhoidalia interna cum vena portae, externa vero cum iliacis iunguntur, quae cum aliis, per intestina dispersis, denuo connecti constat. Sanguinis itaque effluxu in hac parte cohibito, ad alia
inte.

intestinatorum vasa regurgitans, spasmos ibi facile excitabit. Eodem modo cum vtero comparatum est, siquidem et ex hac valde vasculosa parte eo certius ad intestina sanguis regurgitabit, quo maior est, sub menstrua purgatione, sanguinis ad eundem adfluxus. Facile autem nunc patet, quod ex enarratis hisce causis *colica* oriri possit *spasmodica*; hinc quomodo haec praeservari optime possit, iam dispiciendum erit.

§. XII.

Primo patet in genere plethoram esse minuendam, cum, sanguinis quantitate nimia imminuta, regurgitationes eius ad certa quaedam loca non tantum alant periculi. Fit haec plethorae imminutio quam commodissime per Venaesectionem. Sed haec quam in parte erit instituenda? Fateor, nihil hic in genere posse adfirmari, sed secundum subiectorum naturam et constitutionem omnia esse diiudicanda. Si enim plethorico subiecto, fluxu haemorrhoidali vel catameniiis rite succedentibus, venam in brachio secueris, euocato inde ad superiora sanguine, fluxum hunc facilius turbabis, et plus efficies damni, quam si plethora non fuisset ita imminuta. Contra si nimius hic fuerit fluxus, in pedibus secta vena, maiorem efficies sanguinis versus inferiora adfluxum, et sic malo omine,

ne, fluxum per se iam satis largum augebis, ut vel in vitae discrimen aegri adducantur. Nimio itaque vel haemorrhoidali, vel menstruo fluxu praesente, satis secure in brachio vena pertundetur; rite vero succedente eodem, in pede potius V.S. erit instituenda. Cum porro frigus regurgitationes tales, spasmus dein inducentes, efficiat, quis non videt, frigus esse fugiendum, et quam maxime pedum refrigerationem. Minus itaque sanitati suae consulunt, qui saepe, dum lectum mane relinquunt, vel nudis incedunt pedibus in pavimento cubiculi satis saepe frigido, vel solis tamen calceis, absque tibialibus, per integras saepe horas, incedunt.

§. XIII.

Quodsi vero talis forte refrigeratio facta fuerit, indeque spasmus metuendus sit, quid facto opus sit, iam indicabimus. Minime omnium hic calidiorum pharmacorum, vel etiam positive diaphoreticorum, suaderemus usum. Cum enim spasmi a regurgitatione sanguinis, in plethoricis ut plurimum subiectis, accidere soleant, in his autem commotiones sanguinis pessimos ut plurimum exserant effectus, utique hinc maior aliqua commotio per calidiora talia pharmaca, tantum abest ut praecavere spasmus imminens eundemque auertere possit, ut eum potius augeat, acceleret ac grauiorem reddat. Valde aucto nempe sanguinis motu eiusdem augeatur vis ac in latera vasorum actio: augetur ergo hoc

modo etiam vasorum reactio, quae cum in fibrarum circularium contractione et abbreviatione consistat, quid mirum, inde quoque augeri posse spasmum (§. IX.)? Deinde calida haec pharmaca agunt ut plurimum vel salino-alcalino acri principio, vel oleo salibus veluti armato: haec vero principia cum stimulando agant et fibras irritando, spasmum itidem augebunt (§. VII.).

§. XIV.

Blandiora itaque exhibenda erunt diaphnoica, veluti antimonium diaphoreticum, vel cerussa antimonii, cum antispasmodicis, cinnabari, vel nitro, ac quibusdam absorbentibus remixta, in hunc modum: *Rec. ꝑii diaph. C. C. sine igne praep. Lap. 69. citr. ☉ dep. aa 3j. Cinnab. nat. ʒj. M. F. Pulv. divid. in x. p. aeq. D. ad Chartam.* Vel, si mauis, infusum theiforme, ex vegetabilibus non nimis acri et volatili principio gaudentibus parandum. Formula sequens esse poterit: *℞. Herb. Veronic. Scord. Flor. Cham. vulg. Salv. aa. Mj. rad. Vincetox. ʒß. Sem. Foen. ʒij. M. C. C. D. ad chartam, quod vel solitarie, vel subiuncto simul puluere exhiberi poterit; immo et solum infusum herbae Theae porrigi potest, quo transpiratio et externae cutis quaedam relaxatio sequatur. Optime simul conducent frictiones cum panis calidis in pedibus institutae, vel pediluvia ex simplici aqua, vel si mauis, cum furfuribus vel flor. Chamom. vulg. decocta. Hoc modo sanguis denuo ad inferiora deri-*

deriuabitur, et spasmi vel iam quadantenus incipientes remittent, vel imminentes auertentur.

§. XV.

Alicuius porro partis debilitatio maiorem efficere potest versus partem aliam sanguinis adfluxum, dum legibus hydraulicis, quas in corpore nostro, vtpote machina hydraulico-mechanica, constanter obseruari animaduertimus, ita constitutum est, vt versus eam potissimum partem ferantur fluida, vbi minima est resistentia. Iam in debiliori parte minor est resistentia; ad hanc itaque ferri fluida corporis quid mirum? Si ergo variis ex causis intestinorum ac ventriculi tonus fuerit debilitatus, faciliores in harum partium membranis contingent sanguinis congestiones, indeque spasmi facilius excitabuntur. Hos itaque vt praecaueamus, fugienda ea sunt, quae ventriculi ac intestinorum tonum debilitant. Fit hoc a cibis flatus excitantibus, itemque a nimio potentiorum, inprimis infusi Theae vel fabarum Coffee, usu vel abusu potius, quibus relaxantur harum partium fibrae, et cohaesio elementorum debilior redditur. A nimis vigiliis, lucubrationibus, meditationibus profundioribus, Veneris nimio et intempestiuo usu, crapula, nimia ciborum ingurgitatione, quibus oppletus est ventriculus, et tantum non distensus, naturalem tonum, ob imminutam a nimia tensione fibrarum elasticitatem, pariter ille amittet. Tum ab animi pathematibus, moero-

re inprimis diuturniori, et sexcentis aliis causis, quas hic enarrare longum foret, et quae omnia ad famigeratum illud hypochondriacum malum ingenerandum et producendum aliquid conferunt. Haec itaque omnia fugienda, et aequabilis motus peristalticus, quantum fieri potest, conseruandus. Hic vero, cum nulla re magis, quam drastice et fortioribus purgantibus turbetur et irregularis reddatur, haec quoque quam maxime erunt fugienda. Non solum enim spasmus haec excitant, debilitatem post se relinquunt, et mucum, ad flexilitatem intestinorum quam maxime necessarium, nimia in copia egerunt, sed et, si resinosa potissimum fuerint, ut Giapappa, Mechoacanna, et similia, saepe a vasis resorbentibus ad M. S. delata parum ibi efficiunt bonae frugis.

§. XVI.

Si coniuncta cum his pathematibus est haemorrhoidum vel catameniorum turbatio, quod fieri in plethoricis ita dispositis ut plurimum solet, itidem spasmodici motus potissimum sunt metuendi, et hinc utraque haec purgatio, quantum fieri potest, erit promouenda, et quidem non tam purgantibus, ut empirici solent, ob enarratas §. anteced. causas, multo minus directe emmenagogis (§. XIII.), sed externis potissimum, hirudinum videlicet adplicatione, fotu, pediluviiis, vitando simul omnia, quae fluxum talem turbant ac irregularem reddunt, frigus videlicet, nimiam sanguinis exagitationem, etc. Quod si vero iam adit ventriculi atque intestinorum debilitas, hanc ego qui-

quidem minime per Essentias vegetabiles amaras, multo minus cum variis aromatibus et oleosis volatilibus ac spirituosiss, debellare suaderem, sed potissimum iusta ac congrua diaeta, et si quid exhibendum esset, cauto martialium usu.

§. XVII.

Infarctus vero talis atque eiusmodi vasorum a sanguine oppletio, irritationem ac spasmus produciens, non minus ab enarratis accidere potest causis, quam a sanguinis spissitudine. Spissior enim sanguis difficulter per minimos mouetur tubulos, cum propter maiorem frictionem plus virium, quibus a corde atque arteriis impellitur, amittat. Tam spissus sanguis, ope diaesthes in capillaria vasa intrusus, antequam se ex iisdem expedire, ob tardio rem motum, potuit, iam noua facta cordis diaesthes plus sanguinis intrudit, quo fit tandem, vt accumuletur in hisce vasis crassior sanguis, eademque expandat, fibras circulares tendat, et sic irritationem ac spasmus producat. Haec potissimum est causa *hystericae passionis* atque in ea occurrentium spasmorum, itidemque *hypochondriaci* mali, quod potissimum in spasmodis intesti-
norum consistit, recte monente Illust. b. m. HOFFMAN-
NO (*). Foemellae enim, lautioris potissimum condi-
tionis, vitam agunt sedentariam, parum bibunt, et si quid
bibant, illud saepius non tam diluit sanguinem, quam
inspissat, vt saturatior potus Coffee; deinde variis farina-

(*) Med. rat. system. Tom. IV. Part. III. Sect. I. cap. 6. §. I.

ceis delectantur, quae omnia, tam fluidarum in sanguine partium defectum, quam crassiorum atque tenaciorum copiam generant, ut proinde plane mirum non sit, huic vitae generi addictas foemellas saepiuscule atroci hoc sequioris sexus flagello diuexari. Hypochondriacorum vero sedentaria ut plurimum vita, et motus voluntarii defectus, satis superque spissitudinem sanguinis adesse docent, quae eo magis augetur, si per varias §. XV. enarratas causas ventriculi tonus fuerit debilitatus, ut inde, laesa digestionem, laedatur quoque chylicatio, ex chylulo vero minus rite praeparato pravus etiam, spissus crassiorque generetur sanguis.

§. XVIII.

A sanguinis porro spissitudine ortus spasmus in musculosis partibus, *rheumatismus*, artuum *dolores*, ipsamque *arthritidem* (*) inferre valet, quam a sola plethora, cum spissitudine sanguinis coniuncta, ortam, saepius a se animaduersam passim refert Illustr. *Frid. HOFFMANNUS*, consentiente medicae artis parente, *HIPPOCRATE*, in Libro *de flatibus*. Quamuis negari omnino non possit, dyscrasiam ac intemperiem sanguinis plurimum ad generandos hosce morbos valere, recte animaduertente *Carolo PISONE* (**) atque *BALLONIO* (***). Hi om-

(*) Distinguiamus hic inter dolorem artuum ipsamque arthritidem, pro diuersitate gradus atque causarum, secuti laudatum *HOFFMANNVM*, l. c. Tom. III. Sect. I. §. 36.

(**) *de morbis ex serosa colluvie oriundis*, Sect. V.

(***) *de Rheumatismo*.

omnes morbi quomodo praeservari debeant, iam demonstrandum erit.

§. XIX.

Pro hocce scopo obtinendo ordinarie vel sanguinis spissitudo est praecauenda, vel si iam adsit, corrigenda. Praecauetur autem haec spissitudo, si chylicatio ac sanguificatio rite perficiantur. Laudabilis generabitur chylus, si iusta obseruetur esculenta inter ac potulenta proportio. Haec mihi quidem sufficere videtur, si sit in ratione 1: 3. ita vt potulenta quantitate triplici esculenta superent. Deinde si cibi rite manducentur, si ventriculi robur, quantum fieri potest, conseruetur, fugiendo omnia §. XV. exposita; si salivae iusta conseruetur quantitas, cuius idcirco nimiam eiectionem, praesertim breui ante et post pastum, per tabaci suctionem aut masticatoriorum vsum proritam, sedulo vitandam esse, facile intelligitur. Quam male enim sibi consulant, qui salivam nimis crebro expunt, vel a BOERHAAVIO(*) adductum testatur exemplum, qui in Gallica aula numerum hypochondriacorum et tabescentium insigniter auctum esse adfirmat, ob nescio quos pastillos aromaticos, quos mandere crebrius tunc temporis aulicis more receptum erat. Porro quoque motus voluntarius non est negligendus, cum eius ope non solum augeatur respiratio et reciproca pulmonum inflatio, sicque infimul sanguificatio, quae huic visceri potissimum debetur, rectius perficiatur; sed et in musculis sub eorundem

(*) In *Praelect. Acad.* ab Illustr. HALLERO editis, Tom. I. p. 181.

dem frequentiori contractione conquassetur sanguis, subigatur, atque intimius cum chylo commisceatur.

§. XX.

Praesente vero iam sanguinis spissitudine, ut spasmus praecaveatur, vitanda erunt omnia illa, quae sanguinem vehementius commouent atque exagitant. Sub vehementiori enim sanguinis motu facilius in minimos tubulos sanguis intruditur, qui ibidem dein inclusus, expandit vasa, eaque irritando efficit spasmum. Hinc fugienda sunt, nimia corporis commotio, potulenta spirituosae, cibi aromatici, medicamenta calidiora, resinosa, aut oleosa volatilia. Deinde quoque haec spissitudo congruis remediis tollenda est. Optime hunc in finem conducunt infusa theiformia, ex resoluentibus hunc in modum paranda & paullo frequentius exhibenda: *R. Rad. Polypod. Liquirit. Bardan. aa. ʒj. Pimp. alb. ʒʒ. Herb. Marrub. alb. Epithym. aa. Mj. Fl. Salv. Arnica. aa. Mʒ. Sem. Foenic. ʒʒ. M. C. et C. D. ad chart. Infusum tale duplicem praestabit effectum, sanguinem nempe aqueis particulis diluet, et spissiores simul atque crassiores partes resoluat. Augeri operatio huius infusi poterit, subiuncto usu Mixture, ex Tincturis alcalinis et vegetabilibus hoc modo componendae: *R. Tinct. ʒii acris, vel ʒif. ʒiiij. Ligu. terr. fol. ʒri ʒij. Essent. Vincetox. Pimpin. alb. aa. ʒj. M. D. ad Vitr. dosi gtt. XL. ad L. Hisce remediis si lenis sed aliquamdiu continuatus corporis motus, cum potulentorum iusta & congrua accedat quantitate, spissitudo sanguinis facile poterit emendari.**

§. XXI.

§. XXI.

Irritatio, quam spasmī causam esse diximus (§. VII.), produci quoque potest a *sanguinis acrimonia*. Generatae nempe in sanguine acriores particulae, dum celerius moto hoc fluido fortius agunt in vasorum latera, sensationem ibi maiorem efficiunt, quam *irritationem* adpellamus. Varia quidem, pro diuersitate causarum, esse potest haec sanguinis acrimonia, atque tam ex fluidarum partium figura mutata, quam ex ipsorum salium praesentia, cognosci potest. Salia vero vel alcalina sunt in corpore, vel muriatica. Alcalina acrimonia, cum ad acutos potius morbos generandos inseruiat, nostram hic non magnopere meretur attentionem; sed neque muriatica, quippe quae externos potius morbos, scabiem, vlcera, scorbutum, producat. Hinc sola ea considerata est, quam *oleosam* dicit BOERHAAVIVS, *salino-sulphuream* HOFMANNVS. Haec nempe talis est, quae oleosas, seu sulphureas inflammabiles partes, cum subtilissimo aliquo alcalino sale iunctas, sistit, vnde ortum miasma, subtilissimis inhaerens tubulis, rodendo irritat, ac irritando efficit spasmum. Non difficulter exinde intelligitur, hanc acrimoniam, pro variis, ad quae defertur, locis, varios efficere posse morbos. Sic in musculosis partibus efficaciam suam exferens, *rheumatismos* producat; in ligamentis, articulorum iuncturas connectentibus, *arthricos adfectus*; in intestinis *colicam*; in spinalis medullae vaginis, *motus vagos spasmodicos et convulsivos*; in ipsis denique

que cerebri meningibus atrocissimam *epilepsiam*. Hi itaque morbi si praeservari debeant, vel acrimoniae proventus est praecauendus, vel praesens iam acrimonia corrigi debet atque e corpore eliminari.

§. XXII.

Acrimonia sanguinis generatur, intercepta perspiratione, diaeta falsa, aromatica, spirituosae, neglecto motu voluntario, turbata sanguificatione, aliisque ex causis. Potissimum vero turbatio perspirationis, et errores in diaeta grauiore, illam efficiunt. Sub continuo enim sanguinis progressu et circulatorio motu generatur, vel, si mauis, liberatur alcalinum principium, quod dein una cum ferro tenuiori simul per poros cutis eliminatur. Poris his occlusis retentum hoc acre principium iungitur praesenti in sanguine oleoso-sulphureo principio, cum eoque in singularem talem morbificam transit materiam. Fit inde, ut potissimum turbatae perspirationi tribuendi sint adfectus rheumatici, imo et arthritici hanc agnoscant procatarteticam causam, ut proinde mirum non sit, optime incipientes hosce morbos, per restitutam periphericam hancce excretionem, auerti. Exemplum notatu satis dignum obseruauit Illustr. Dn. PRAESES in iuvene quodam, diaetam quidem satis accuratam obseruante, sed ex haereditaria dispositione iam anno aetatis XXII. podagricis insultibus afflicto, qui cum raro, optimis licet adhibitis remediis, morbum hunc debellari posse persuasum sibi haberet, nullo alio remedio, nisi solo voluntario

tario motu in vsum vocato, optime incipientem morbum profligauit: sub qualibet enim paroxysmi accessione, arrepto gladio, se in arte gladiatoria per vnam vel alteram horam exercitauit, donec largo sudore perfunderetur. Factum sic tandem est, vt non stagnans modo sanguis ac lymphæ per vehementiorem musculorum contractionem resolverentur, sed et generatae acriores particulae fuerint eliminatae. Sed haec acriorum partium remotio parum efficiet, si per incongruam dietam noua continuo acrimonia ingeneretur. Omni itaque cura errores dietetici erunt fugiendi atque vitandi, motus voluntarius moderatus instituendus, potulenta diluentia adhibenda, si praecaueri acrimoniae generatio debeat.

§. XXIII.

Sed *praesens iam acrimonia quomodo corrigenda*, vt spasmi inde praecauentur? Corrigi haec optime potest per infusa diapnoica, quale iam §. XX. exhibuimus, quae non diluunt modo ac a se inuicem auellunt acres partes, interpositis aqueis, sed et perspirationem augendo corruptas partes eliminant. Similem effectum praestant ptisanæ, quae mucilaginosum quoddam principium secum vehunt, atque ex hordeo mundato, auena excorticata, rasura C. C. cum radicibus chinae, sarsaparillae, cichorei, parantur, addito tantillo seminis foeniculi, vel, ad gratiorem saporem conciliandum, corticis citri vel cinnamomi. Egregiam porro opem pollicetur serum lactis, praesertim acidulum, quod alcalinas partes, oleosis iunctas, non

modo corrigit, sed et diluentem simul praestat effectum, vt idcirco ante aliquot annos in Ephemeridibus Hamburgenſibus tantum non pro vniuerſali remedio aduerſus podagram vendicaretur ſerum lactis tamarindinatum, ſi cum eodem China radix decoqueretur. Vitandi vero ſimul ſunt omnes cibi ſaliti, fumo indurati, vt et parcius aſſumenda aſſata caro, ob ſal alcalinum et oleum acre in hacce carne magis liberata; item calidiora aromata, ob acriores et ſulphureas, quas continent, partes; vt et ſpirituosa, fermentefcentia, ne his ad M. S. accedentibus, augeantur impurae ſordes. Sed ante omnia, qui dyſcrasia ſanguinis laborant, ſibi caueant a turbatione periphericae excretionis, ob cauſſam §. XXII. allegatam.

§. XXIV.

Ad *alteram* iam ſpaſmi cauſſam deuenimus §. VII. allegatam. Prolixe ſatis enim tractata irritatione, conſideranda nobis iam veniunt *animi pathemata* grauiora, indeque ortae maiores fluidi neruei exagitationes. Spas- mum oriri poſſe ab animi vehementioribus pathematibus, vt experientia conſtat, ita a priori quoque haud difficul- ter poteſt demonſtrari. Omnes in animo rerum corpo- rearum ideae excitantur a fluidi neruei aliquo motu, ita vt, ſi fluidum hocce in auditorio neruo certo quodam modo fuerit commotum, inde ſoni idea oriatur; ſi in optico neruo idem factum fuerit, rerum viſibilium ſe nobis ſiſtant imagines, & ſic porro. Experientia quoque con-

constat, cessante fluidorum in corpore motu, protinus quoque omnem cessare in animo cogitationem, prout hoc manifeste satis in lipothymiis & syncope animaduer- titur: concludimus exinde, quod quamdiu vincula, quibus immortalis spiritus noster fragili huic corpori iunctus est, non dissolvuntur, tamdiu ad singulas in ani- mo repraesentationes aliqualis fluidi neruei motus re- quiratur. Quo maior itaque est repraesentatio in animo facta, eo quoque maior erit fluidi neruei motus, et contra. Iam Philosophi nos docent, adfectus, seu animi pathemata, in maiori gradu appetitus sensitiui vel auer- sationis consistere. Maior talis appetitus vel auersatio maiorem requirit gradum repraesentationis: ad hunc vero maior quoque fluidi neruei motus requiritur, vel, si mauis, cum eo tantum, secundum recentiorum Philo- sophorum placita, coniungitur. Quid ergo mirum, ab animi grauioribus pathematibus fluidum nerueum ve- hementius exagitari? Fluido autem nerueo vehementius exagitato, in quosdam nervos illud magis influere debet, quam in alios. Iam vero maior fluidi neruei in quosdam nervos influxus spasmus efficit (§. VI. et VII.), adeoque patet exinde, quod ab animi pathematibus spasmus oriri possit.

§. XXV.

Confirmatur hoc ab experientia. Gaudium enim maiorem efficit fluidi neruei in cor influxum, vt inde maior fiat fibrarum eius contractio, atque celerior hinc

eiusdem systole et diastole. Ira spasmum potissimum in fellea cystide et ductibus excitat biliariis, saepe quoque in ipso ventriculo, ut etiam vomitus subsequantur. Timor externam magis superficiem spasmodice afficit, ut contractis fibris, vasa cingentibus, haecce angustentur, ac sanguis a superficie corporis introrsum pellatur, vnde pallor artuumque tremor. Imo ad intestina usque saepe extenditur spasmus, ut, aucto motu peristaltico, feces extrudantur, vnde nota est illa experientia, quod timor ventrem soluat. In infantibus quam graues saepe spasmodici morbi ex solis animi adfectibus oriantur, omnibus notum est, qui in Medicorum scholis vel leuiter tantum versati sunt. Et foemellae quoque hystericeis pathematibus afflictæ, maiores ac vehementiores, post iram, paroxysmos spasmosque grauissimos experiuntur.

§. XXVI.

Ad morbos itaque spasmodicos, ex hac causa ortos, rite praecauendos, generaliter quidem patet, nihil magis conducere, quam, si ipsi hi animi adfectus, quantum per humanam imbecillitatem licet, fugiantur. Sed cum hi in totum praecaueri nequeant, ea saltem vitanda erunt atque fugienda, quae motus tales irregulares augment. Pertinet huc quam maxime generis neruosi debilitas. Ille enim, qui debilioribus gaudent neruis, non facilius modo ad animi pathemata quacuis disponuntur, sed et maiores inde in corpore experiuntur motus, sicuti id exemplo foemellarum atque infantum quotidie comprobatur.

Generi autem neruoso maxime infesta deprehenduntur, frequens crapula, nimia venus, et nimia studia profundaeque meditationes, quae omnia ergo dispositis subiectis erunt vitanda.

§. XXVII.

Si vero irregularis talis, per animi adfectus, iam facta fuerit fluidi neruei commotio, omni cura eo adniti decet, vt haec compescatur atque sedetur, et sic imminentes spasmi auertantur. Conducunt huc maxime animi et corporis quies, pulueres nitrosi ac cinnabarini, vt et exquisitae virtutis liquor mineralis anodynus HOFFMANNI, vel qui substitui eidem potest, spiritus nitri dulcis. Pertinent huc quoque ea, quae foetidum quoddam oleum alunt, quod nervos relaxando, incipientes spasmos reprimat, vel iam praesentes minuit, e. g. Castoreum, asa foetida, aliaque similia. Merito etiam huc referenda est mira illa spasmodici morbi praeservatio, cuius mentionem facit celeberr. Dn. D. DANIEL (*), in viro quodam, qui in infantia a terrore in spasmodico-conuulsivos motus incidit, quales, postquam primo neglecti et ob irregularem dietam aucti fuerunt, postmodum in prouectiori aetate nullis, optimis licet, adhibitis remediis, debellari potuerunt, donec ipse aeger, nescio cuius suasu, spiritum frumenti copiosius ingurgitare coeperit, a quo etiam tantum leuaminis obtinuit, vt, si accedente paroxysmo huius spiritus haustum sumeret, vel mitior ille

(*) In denen Beyträgen zur Medicin. Gelehrsamkeit, p. 76. seq.

ille euaderet, vel plane euanesceret. Caussa miri sane huius phaenomeni potissimum ab allegato celeberr. Viro tribuitur phlegmati ac oleo foetido, quo spiritus frumenti abundat, quodque relaxando nervos spasmus auertere potuit. Verum cum spiritus frumenti ex altera parte corpori plus adferat detrimenti, talem utique praeservationem nemini ego quidem suaderem.

§. XXVIII.

Fatendum tamen omnino est, admodum difficilem esse horum morborum praeservationem, cum subiecta, antequam morbo aliquo corripiantur, raro regimen atque diactam secundum Medicorum regulas instituant et obseruent. Fit inde, ut plethora, sanguinis spissitudo atque acrimonia, nervorumque debilitas subsequantur, quibus dein praesentibus, antequam haec corrigi queant, morbus iam adest, suamque exserit potentiam. Deinde animi pathemata, cum neque extirpari possint, neque semper secundum regulas, a genuina Philosophia ac religione suppeditatas, moderari, saepiuscule ab iisdem procatartica accedit caussa, qua morbus acceleratur. Interim tamen haecce in medium afferre non plane inutile iudicavi, ut generalibus hisce propositis, ac veluti primis lineis ductis, aliis occasionem praeberem, eosque excitarem, ut specialius in horum morborum originem inquirant, eorumque causas demonstrando, viam pandant, qua haec vitari, et sic morbi inde oriundi auerti queant.

T A N T V M .

S. D. G.